

#### IV SAILLA

Ezer esateke  
jo zendun bidetik...  
Eta antxe, muturik,  
jarraitu neban nik.

Igaz ura etorren  
usak ixuria,  
gaur ozta yak mugitzen  
gaiñalde atsia.

\* \* \*

#### ISTINGA LOKARTUA

Ur geldia dot aurrez,  
lur zar baten muga;  
sasiz, zorna-bedarrez  
dau gaiña, argi baga,

Igaz ura etorren  
ito-itoka goitik,  
gaur ezta ezer jaisten  
gaiñeko usa itxitik.

Aizeak dautsaz doi-doi  
egalak mugitzen,  
ixillak, aragikoi,  
daularik mosutzen.

Sasian txintaz dagon  
txoriak al daki  
bere goi-zorion  
kantuaren barri?

Zugatzen amets arte  
ixil lokartuan,  
zaratarik bage  
arrats illunduan...

Igan eztot ederrik,  
istingu zabala,  
eta bai larri-miñik  
i ikusiz maskala.

Euskal lur begitango,  
sorterri maitatu:  
etzaite jzan egundo  
istingu lokartu.

#### BELAKIA

Argi-lore eguzkia,  
aren euritan, itxas ertzez ni.  
Belaki bat ertzean,  
urak jaurtia, noski.

Oa, ta asetu adi;  
zein arro ta galai abil urez!  
Ikus, gora ta bera,  
jostaillu ugin-aparrez.

Len tximur, orain ase,  
ertzik ez, itxas urdiñez bakar  
Gizon biotz urduri,,  
aditu, egik oar!

Elaitxo bat yoako;  
gain ezarri arren, geldi ezin.  
Oro zorakeri uts,  
ur-jolas ta ego-min.

Ni ari so, oldozkor...  
Oi Jainko, Zu ez al zara itxaso?